

Fusiuns da vischnauncas ein era schanzas pil romontsch

La Surselva Romontscha animescha las commembras ed ils commembers da dar impuls pil program da lavur

DA HANS HUONDER / ANR

■ Il 2009 ei staus in onn da panzier per la Surselva Romontscha. Schegie ch'il romontsch vegn catschias a cantun en differentas domenas vul l'organisaziun buca trer la faultsch el canvau. Ella vul s'engaschar vinavon, denter auter sin plaun politic. Cheu regia ils proxims onns dabia lavur, per exempel en connex cun la fusiun da vischnauncas al cunfin linguistic. Las commembras ed ils commembers sco era ils hospis dalla Surselva Romontscha ein vegni beneventai amicableme in a Luven ella sala dalla casa da scola. Igl anteriur president communal *Martin Wetten* ha beneventau la raspada, e las scolaras ed ils scolaras dalla emprema entochen la tiarza classa primara dil Consorzi da scola Mundaun cun lur scolasta *Miriam Pelican* han delectau cun cant e sault. Sco biaras autras vischnauncas senta era Luven l'influenza carschenta dil tudestg. Malgrad tut emprovan vischinas e vischins da salvar lur ierta romontscha.

Dapli preschientscha

«Il fundament dil romontsch ballucca, nus sentin ils vents crius.» Cun quels plaid ha la presidenta dalla Surselva Romontscha, *Annalisa Cathomas*, iniziava la sonda vargada la radunonza generala. El decuors dils davos onns ei il romontsch vegnius mess en damonda en differentas domenas. Las midadas sil sector dil scolaesser e las discussiuns concernent La Quotidiana muossan ch'ei drova grond engaschi per salvar il fundament per promover era egl avegnir il romontsch. *Annalisa Cathomas* critichecha denter auter il desinteress dalla autoritads per l'instrucziun bilingua ellas scolas

dallas vischnauncas al cunfin linguistic: «Igl avegnir dil romontsch ei malguess. Nus vegnin a stuer batter per fatgs evidents che stuessen scapir da sesez.» Ella giavischava allas Romontschas ed als Romontschs dapli luschezia e quet tenor il motto «tgi che sa romontsch, sa dapli».

Dapli lavur publica

Era egl onn vegnent vul la Surselva Romontscha s'engaschar sin different secturs, denter auter pertuccont ils fatgs da scola. «Quei mument ch'ei dat negina instrucziun da romontsch pli en in vitg svanescha il romontsch enteifer ina generaziun», di *Annalisa Cathomas*. La Surselva Romontscha vul porscher maun per damondas che pertuccan il romontsch ellas vischnauncas, s'engaschar per l'ediziun d'ovras sco cudschs e discs cumpacts, mo era empruar da far il romontsch pli enconuschents sur ils cunfins ora. Per saver cumpletar siu program da lavur spetga ella impuls dalla commembras e dils commembers. Persuenter ei vegniu repartiun in feigl per remarcar correspudentas. Ord il miez dalla radunonza ei la magra preschientscha dalla Surselva Romontscha els mieds da massa vegnida criticada. La populaziun stuessi saver tgei che cuora e passa.

Da niev in co-presidi

Suenter haver surviu sis onns alla Surselva Romontscha en suprastanza ei *Margrith Darms-Landolt* da Schnaus seretratga. Demissiunau han era *Vigeli Jacomet* da Sedrun ed *Ursin Lutz* da Cuera suenter in engaschi da treis onns sco suprastants. La presidenta *Annalisa Cathomas* da Glion ei sedecarada prompta da restar presidenta, denton mo cun la cundiziun da saver par-



La discussiun al podi davart il romontsch en connex cun la fusiun da vischnauncas: Da sen. Ursin Fetz, Karl Hassler, la moderatura Georgina Janki, Georg Fallet ed Ivo Berther.

FOTOS H. HUONDER

ter quella funcziun. Cun *Rino Darms* da Cuera ch'appartegen gia alla suprastanza eis ei reussiu da catter la persuna cumpetenta per quei co-presidi. *Erwin Vincenz* da Vella ed *Ursin Fetz* da Domat vegnan reeligi en suprastanza, ferton che *Irina Lutz* da Domat/Mustér, *Manuela Schnoz-Flury* da Mustér e *Carl Cafilisch* da Trin vegnan tscharni da niev el gremi directiv dalla Surselva Romontscha. Per il revisur da quen *Guido Wieland* da Sumvitg che ha demissiunau vegn *Marcus Holderegger* da Schluen eligius.

Risguardar l'identitad

La secunda part dalla scuntrada dalla Surselva Romontscha a Luven ei stada dedicata alla fusiun dalla vischnauncas, oravontut al problem dil lungatg al cunfin linguistic. Il mument occuoran different projects da fusiuns, denter auter cun vischnauncas cun fermas ragischs romontschas. Il suprastant *Ursin Fetz* ch'ei engaschus professiunalme in tier la Scol'aula per tecnica ed economia a Cuera, en special sil sector dalla fusiun da vischnauncas, ha referiu davart quei tema. El accentuecha en special l'impurtonza dil lungatg e dalla cultura en connex cun las fusiuns: «Per las fusiuns plaidan oravontut ils arguments dirs, sco per exempel las finzas, l'agricultura, la scola e l'organisaziun dalla canzlia. L'identificaziun dalla vischnaunca per exempel cun la cultura ed il lungatg ei

marginale ellas contractivas, mo ella ei d'eminente impurtonza. Pli pintga che la vischnaunca ei e pli gronda che l'identitad ei.» Schegie che la fusiun sco tala ei suenter paucs onns gia negin tema da discussiun pli ellas vischnauncas fusiunadas, resta l'identitad. *Ursin Fetz* ei perschudius ch'igl ei necessari da risguardar commensuradame in il lungatg e la cultura el rom dalla contractivas da fusiun: «Il perimenter dalla vischnaunca futura stuess vegnir definit denter auter era cun risguard dil lungatg.» El propona medemame in da fundar in'uniun per cultura e lungatg da mintga anteriura vischnaunca, per aschia mantener l'identitad e salvar la forza politica. In impurtont aspect pil lungatg ei la scola. Tenor *Ursin Fetz* sto silme in la scola primara restar el liug.

Tschercar novs models

En ina discussiun al podi ei la situaziun dil romontsch en connex cun la fusiun da vischnauncas vegnida dilucidada. Igl incumbensau dil cantun Grischun per damondas da lungatg, *Ivo Berther*, ha refusau la renfatscha ch'il cantun fetschi memia pauc pil romontsch. La lescha da lungatg hagi in effect en bia situaziuns, meinsvart en talas che vegnen buc alla glisch. Buca reglaus ei il diever futur dil lungatg tier la fusiun d'ina vischnaunca tudestga cun ina ni pliras vischnauncas romontschas. «En tals cass ha ei num tschercar la megliera solu-

ziun. In tal proceder sa buca vegnir stipulau ella lescha, mintga situaziun ei autra. La discussiun sto en mintga cass vegnir menada da sutens», di *Ivo Berther*. *Georg Fallet*, deputau dalla Val Müstair, sa rapportar digl effect positiv dalla fusiun dalla vischnaunca dalla Val Müstair. La tema dalla vischnaunca pintgas da vegnir magliadas en dalla gronda seigi avon maun, mo buca giustificada. En ina fusiun da pliras vischnauncas hagi ei num tschercar la megliera soluziun per tuts. Tenor *Karl Hassler*, commember dalla gruppa da lavur che prepara il project da fusiun dil marcau da Glion e las vischnauncas vischinontas, gioga il lungatg ina impurtonza rolla: «Gest el cass da Glion e contuorn vegn ei eventualme in ad esser necessari da tschercar novs models. La finamira principala ei segirame in quella da mantener, gie schizun promover il romontsch. Ina soluziun fussen centers da cumpetenza.» *Ursin Fetz* ei perschudius ch'ei drova soluziuns harmonicas per haver success cun ina fusiun da duas ni pliras vischnauncas: «La tema dil pign ei adina avon maun. Il meglier ei sche la structura crescha, garantir memia bia ei malsegir e buc adina pusseivel.» En in punct ein ils participonts dil podi stai cupleiname in units: Fusiuns da vischnauncas ein inevitablas, vischinas e vischins ston haver la confidanza el project. En quei connex astga il romontsch denton buca pitir.



Scolaras e scolaras dil Consorzi da scola Mundaun cun lur scolasta *Miriam Pelican* duont lur producziun da sault.

PIGNIU

Il quen siara cun in andant gudogn

(anr/hh) Il quen dalla vischnaunca da Pigniu pigl onn 2009 siara cun in gudogn da rodund 91 000 francs. La vischnaunca ha giu expensas totalas da 581 000 francs. Las investiziuns nettas contonschan la summa da struschame in 100 000 francs, las amortisaziuns ordinarias importan 164 000 francs ed il cash flow munta 253 000 francs. Il quen ei vegnius approbaus dalla radunonza communal dil venderdis sera. Plinavon han vischinas e vischins concediu in credit da 17 000 francs per il remplazzament d'ina part dalla finias tras dall'ustria Alpina. Il baghetg ei vegnius erigius igl onn 1953, aschia che lavurs da manteniment ein indispensablas. Igl ei previu da remplazzar las finias tras dalla vart dil sid, quellas han pitiu il pli fetg dall'aura ed ein il mument en in stan miserabel. La suprastanza communal ha informau la radunonza da vischnaunca davart igl avegnir dall'ustria. Dapresent sesanflan las autoritads ellas contractivas d'affittar vinavon l'ustria. Persuenter dat ei interessents.

L'ILHGA ei stada in success

Radunonza generala dall'Uniun da commerci Glion e contuorn

■ (anr/hh) L'exposiziun da commerci e professiun digl atun vargau a Glion ei stada in success. Malgrad tut ha il president dall'organisaziun, *Franco Hübner*, abdicau. Il quen dall'ILHGA 2009 siara cun in pign gudogn da 500 francs. La sviulta ha contonschiu la summa da 180 000 francs. Sco quei ch'il president dall'Uniun da commerci Glion e contuorn, *Remo Cahenzli*, ha detg sin damonda dall'Agentura da novitads rumantscha, ei quei quen ulivau staus pusseivels denter auter era grazia ad ina contribuziun da 10 000 francs dil marcau da Glion. Cun occasiun dalla radunonza generala dall'uniun la gievgia sera ei igl avegnir dalla ILHGA vegnius dilucidaus. Denter auter ei il program da rama staus en discussiun. Ord il miez dalla radunonza ei vegniu remarcau ch'ins duei reponderar, co quel savess vegnir migliuraus. En damonda ha ins era tschentau il ritmus da treis onns dall'ILHGA. «Sche nus lessen far ina midada da quel lu-

stuessen nus segirame in contactar ils organisaturs dall'EX a Mustér. Lezs han cun lur exposiziun il mument medemame in ritmus da treis onns», di *Remo Cahenzli*. Il proxim temps duein las damondas aviartas partenent l'organisaziun dall'ILHGA vegnir dilucidadas en ina seduta. Medemame in ha ei num da tschercar in niev president suenter la demissiun da *Franco Hübner*. Tenor *Remo Cahenzli* haveva quel demissiunau gia avon treis onns, mo ei lu tonaton staus prompts da menar aunc ina ga il comite d'organisaziun.

Ina nova suprastanta

La radunonza generala ha eligiu *Seraina Cadetg* sco nova commembra dalla suprastanza. Seretratgs da quella ein *Carli Collenberg* e *Martin Derungs*. Reeligi en suprastanza vegnan il president *Remo Cahenzli* sco era *Sandro Bianchi*, *Dominik Dosch*, *Christian-Peter Zinsli* ed *Anagreth Brandenburger*. Il program da la-

vur pigl onn 2010 cumpeglia danovame in l'organisaziun dalla fiera d'advent (27 da november 2010) sco era las sentupadas da miezdi. Tenor *Remo Cahenzli* gaudan quellas gronda calamita, oravontut cu ei reussescha d'engaschar buns referents. Plinavon vul l'uniun crear in bon da cumpra analog al bon che l'Uniun da commerci e professiun Mustér porscha. Cun quei bon duess ei esser pusseivel da retrer rauba e nezegiar survetschs dils commembers dall'uniun. Alla radunonza generala dalla gievgia sera ha il directur dall'Uniun da commerci grischuna, *Jürg Michel*, presentau la reformatura prevedida sil sector dalla finanziaziun dil turissem el cantun Grischun. Medemame in ha el tematisau l'iniziativa ch'ei vegnida lantschada dacuort concernent la reformatura dalla structuras communalas, circuitualas e districtualas el cantun Grischun. Presents alla radunonza ei era il candidat per la regenza, *Mario Cavigelli*, staus.

reclama



Shorley – für natürlich frische Energie

Shorley ist die Mischung von 60% Schweizer Apfelsaft mit 40% natürlichem Mineralwasser. Der Gehalt an Fruchtzucker und Fruchtsäuren des Apfels, und Mineralstoffe der Mineralquelle Passugg, machen Shorley zum erfrischenden Durstlöcher. Shorley – das natürlichste Getränk!



MÖHL Mosterei Möhl AG
9320 Arbon | Tel. 071 447 40 74 | www.moehl.ch